

not in 97c

32

R. D.

PATRIARCHAE ORIENTALIVM

ASSYRIORVM DE SACRO OECVMENICO

TRIDENTINI CONCILIO

Approbatæ, et professæ, ET Literæ Illustrissimi Domini

Marciantonij Cardinalis Amulij ad legatos

Sacri Concilij Tridentini .


M D L XII.



R I P A E:

M D L XII.

R. D.  
I. A. T. H. A. C. H. A. E. O. P. E. N. T. A. T. I. V. M.  
A. S. S. E. M. B. L. E. A. E. A. C. T. I. O. N. I. S.  
T. R. I. B. U. N. A. L. I. S. C. O. N. C. I. L. I. O.  
A. G. G. R. E. G. A. T. I. O. N. I. S. P. A. R. I. S. I. N. S. I. S.  
I. N. T. E. R. N. A. T. I. O. N. A. L. I. S.  
M. D. C. C. L. I. I.



M. D. C. C. L. I. I.  
A. G. G. R. E. G. A. T. I. O. N. I. S.



## LITERAE ILLVSTRISSIMI DOMINI

MARCIANTONII CARDINALIS AMV.

lli ad Legatos Sacri Concilii Tridentini super professione  
fidei Patriarchæ Assyriorum Orientalium.



EVERENDISSIMI Et Illustrissimi Domini Co-  
lendissimi, Reverendus Dominus Abdisi Assyriorū orien-  
taliū Patriarcha, electus a clero, et eorum Populorum cō-  
sensu, qui finitima Tigri fluviū loca incolunt, Turcarum, &  
Persarum Imperio subiecti, anno superiore, ut confirmare-  
tur a Pontifice Maximo, ad urbem se contulit, cum qui lite-  
ris, ac testibus fide dignis cognita eius electio, & probitas esset, ac per mul-  
tos non solum dies, verum etiam menses absolutam nostrorum rituum cogni-  
tionem, a quibus antea in nonnullis, non quidem grauib, dissenserat, a ca-  
tholicis, & eruditis hominibus accepisset, tandē (proponēte me) a S. D. N.  
frequenti Consistorio, Patriarcha, & Pastor illorum populorum declaratus  
est: Cum prius se nunquam a sanctissimis sedis apostolicæ Decretis esse dis-  
sensurum, aut discessurum, solemniter de more, confessione, & iure iurando  
pollicitus est. Quarum rerum memoria literis diligenter consignata, in Ar-  
chiuiō custoditur. Quod nisi senio iam confectus redire ad suos, impe-  
trata primum a S. D. N. licentia, properasset, ut eos Eccle. Doctrina plenius  
instrueret, ad sacrum Concilium profectus esset, ut istic fidem catholicam,  
suumque erga sedem apostolicam singulare studium, & obedientiam profite-  
retur: Abeuntem summus Pontifex ipsum, suosq; præsbiteros, & Diaco-  
num uestimentis, & rebus omnibus ad eius sacerdotium pertinentibus, &  
Viatico est profectus. Huius viri eximiam in Deum pietatem, optimum-  
que de vera fide sensum, cum in multis alijs, tum in eo perspeximus, quod cum  
discederet, petijt studiosissime, ut istius Sacri Concilij Canones, & Decreta  
preferenda ad eum curarem: se enim quicquid in Concilio statutum erit,  
omnino seruaturum promisit, daturumq; operam, ut omnes sui seruent, & Chi-  
rographo suo caldaica lingua confecto, quod latine exploratum cum his liti-  
ris mittimus confirmauit. Nos autem libenter fecimus, ut eius probitatis,  
prudentiæ, eruditionis, ac nobilitatis testimonium his literis daremus. Nam  
ex celeberrima ortum familia, opibus etiam pro loci ratione abundante, iam  
sexagenarii, nec aliā ob causam tam longum, tamque difficile, ac periculosum  
iter suscepisse, nisi, ut uisitare Apostolorum limina, & Pontificis maximi pe-  
dibus osculum ferret, optimaq; erga hanc sedem uoluntatem ostenderet, per-  
spicue cognouimus. In itinere semel a curdis Populis, his a Turcis male ac-



ceptū, ac fustibus percussū esse, satis constat. Hic sepe de sacris literis in-  
 terrogatus, grauiter admodū, & copiose respondit, magna omnium admira-  
 tione, qui sententiā eius verborū ab interprete audiebant: nominabat, eos  
 que se habere dixit, libros omnes ueteris, & noui Testamēti, etiam quos hæ-  
 brei, aut hæretici non probant, antiquos Doctores grecos, & latinos eosdem  
 fere, quibus nos utimur, caldaice, syriace, aut Arabicæ uersos diligenter le-  
 gisse, non nullos etiam, quorum nomina a nobis ignorantur. Addebat hoc,  
 in Caraemiet Turcarum Ciuitate libros esse ab ipsa fere Apostolorū ætate  
 conscriptos, qui nunc in quadam Bibliotheca custodiuntur. Summā pro-  
 fecto Dei beneficentia licet agnoscere, quod in tam longinquis Regionibus,  
 quæ nobis uix fama notæ sunt, uere fidei cultus ad huc uigeat, et Christiana  
 Religio nō minore fortasse, quam apud nos pietatem excolatur, conseruata  
 Doctrina; quam per ea loca Beatorū Apostolorum Thomæ, & Thadei Pij  
 sermonibus disseminatam, & Marrij eorum Discipuli prædicationibus cō-  
 firmatam, hic Patriarcha ita assenerabat, ut etiam id se scriptis probaturū  
 promitteret. Sacramentis aiebat uti se, ac Populos illos iisdem fere, quibus  
 nos, confessione auriculari, precatione pro salute Mortuorum, canonæ iisdē  
 fere uerbis in celebrāda Missa, consecratione prorsus eadē, imagines quo-  
 que sanctorum pijs precibus uenerantur. Fideles autē huius Patriarchatus  
 subiectus dicunt esse usquo ad ducentamilia, quo argumento etiam, præter  
 sexcenta alia, inania improborum hæreticorum commenta refelluntur, cum  
 per annos mille Quinquagētos ecclesiæ dignitas, ac doctrina salutaris apud  
 gentis a nobis tot Terrarum intervallo disiunctas, in tanta rerum, Regum,  
 & Regnorum mutatione Religionis uarietate, sub infidelium graui, ac iugi  
 per iniurias, & Contumelias uexatione, in medio Barbariæ, eadem tamē ad  
 hanc diem permanserit, quæ nunc a gentibus nobis propinquis oppugna-  
 tur. Sed hæc quanti sint, atque adeo quantum sint, Domini. Vestræ Illustris-  
 simæ ponderabunt. Ego uero de S. D. N. mandato, confessionē ipsius Pa-  
 triarchæ de obedientia sacro Concilio præstanda, cum his literis mitto, eiq-  
 que me humillime commendo. Romæ die xxviii. Augusti.

M D L XII

D. V. Illustrissimam & Reuerendissimam

Humilissimus Seruus Marcus antonius Cardinalis Amulius.

A tergo uero, Illu. & Reuerendissimis Dominis Colendissimis DD. Car-  
 dinalibus Legatis Sacri Concilij Tridentini.



**PROFESSIO FIDEI R. D. ABDISV**  
*Patriarchæ Assyriorum Orientalium &c. facta sub*  
*S. D. N. Pio Papa Quarto,*

**C**ONFESSVS sum puro corde, & fide non ficta coram Reueren-  
 dissimis & Illustrissimis Dominis Michaelē, Tituli sanctæ Sabine,  
 Alexandrino, & Marcoantonio Tituli sancti Marcelli, Amulio, san-  
 ctæ Romanæ Ecclesiæ Præbyteris Cardinalibus, in hanc formā videlicet.

**E**GO Abd, Isu, filius Ioannis de domo Martia ex Ciuitate Cezire in  
 Tigri flumine, olim Monachus ordinis sancti Antonij, Monasterij San-  
 ktorum Rahæ, & Ioannis fratrum, electus Primas siue Patriarcha Ciuitatis  
 Muzal in Assyria Orientali, iuro, quod ita corde credo, & ore confiteor,  
 sanctæq; Romanæ Ecclesiæ fidem, approbatis omnibus, & singulis illis, quæ  
 ipsa approbat, & damnatis similiter omnibus, quæ ipsa damnat, amplector,  
 & perpetuo me amplexurum, & retenturum esse profiteor, & promitto, et  
 omnes fratres meos Metropolitæ, siue episcopos, ac Diocesanos quouis mo-  
 do meæ iurisdictioni subiectos, ita credendum, & tenendum esse docebo, et  
 modis omnibus, quibus potero, persuadere conabor, ita me Deus adiuuet, ut  
 hæc sancta Dei Euangelia. In quorum omnium fidem, hanc meæ fidei pro-  
 fessionem, & attestationem manu mea scripsi, & subscripsi coram Reueren-  
 dissimis, & Illustrissimis Dominis .D. Michaelē tituli sanctæ Sabine,  
 Alexandrino, & D. Marcoantonio tituli sancti Marcelli, Amulio, vult  
 pariter nuncupatis, S. R. E. Præbyteris Cardinalibus.  
 Romæ die vii. Martii M D L XII.

Fides publica de iis, quæ in infra scripto scripto continentur.

**A**NNO Domini M D L XII. Die xxiii. Iulij, Romæ  
 Coram Illustrissimo, & Reuerendissimo Cardinali Amulio, com-  
 stitutus Reuerendissimus Dominus Abdisu Patriarcha de Mu-  
 zal, in Assyria, confessus est hoc scriptum inclusum, lingua, & chara-  
 ctere Caldaico, siue Syriaco exaratum, manu sua propria esse conscriptum,  
 cuius rei fidem fecit Dominus Ioannes baptista Abiscinus Indus intera-  
 præ, & præsentibus etiam Testibus infra scriptis; confessus est se uel  
 le obseruare totum id, quod in scripto huic inserto continetur, & de ip-  
 sus uoluntate in præsentia Testium infra scriptorum, & de mandato



Illustrissimi Domini mei ut supra, propria manu fidem facio, ut possint hæc scripta autentica mitti ad sacrum Concilium, & inde confici publica documenta, si opus fuerit, & idem etiam latina lingua uersum adiunxi. Romæ in Aedibus Illustrissimæ Domini Cardinalis de Urbino. Ita est Marcus Antonius Cardinalis Amulius. Ego Bartholomeus Eustachius Sanctæseuerinas, affirmo ut supra. Ego Antonius Ioannotius, affirmo ut supra. Ego Christophorus Auichinus, affirmo ut supra.

Ego Aurelius Saignanus de mandato.

Patriarcha Assyriorum Orientalium iurat se credere recipere, & tenere omnia Decreta Conciliorum, præsertim Triden. &c.

Ego Abd Isu filius Ioannis de domo Mattia ex Ciuitate Cezire, in Tigri flumine olim monachus Sancti Antonii, Monasterii Sanctorum Rahæ, & Io. Muzzal, in Assyria Orientali, sub cuius iurisdictione multi Metropolitæ Episcopi, & Diocesani continentur. Vt. Arbel Metropolis; Sirana, Hancana Metropolis; Cheptia Metropolis; Caramleys, Achusch episcopus; Nassybin Metropolis; Macchazzin, Tallefcani, Mardin episcopus; sceert Metropolis; Azzen episcopus; Elchessen Metropolis; Zuch, & Mesciara episcopus; Curgel Metropolis; esci episcopus; Amed Metropolis; Chiaruchia, Hayn Tannur episcopus; quæ omnes simul regiones subsunt Turcarum Imperio; Ormi superior Metropolis, Vscimi, et Cuchia episcopus; Ormi inferior Metropolis, Durra soldos, Escinuh episcopus; espurgan Metropolis; Nare, Gien nene episcopus; Salamas Metropolis; Baumar, Sciabathan; Vasth andia uero lufitanis subiecta, Cuschin Metropolis; Cananor Metropolis; Coa Metropolis; Calicuth episcopus, cui subest carongol ciuitas, quæ adhuc ab idolatris, et ethnicis hominibus possidetur. Iuro, & polliceor cum mihi non liceat ad Sanctam Sacram Tridentinam Synodum accedere sed necesse sit, ut ad Patriarchatum meum me transferam, qui meo eget auxilio, & sine custode me absente, permanet, Munus enim Ecclesiarum Præfatus est, animas sibi subiectas quotidie in Sancta Christiana fide instruere, et moribus uitæque integritate eas in fide confirmare, ne grex sibi commissus Pastoris regimine de-



Titutus, in varios incidat morbos, quod eo facilius gregi meo accidere posset, qui cum sit sub infidelium tyrannide, adhuc multos in Christiana fide imbeciles tenet, & quotidie etiam mea diligentia Dei gratia cooperante, ampliari potest. Cumq; difficiē fratres mei Metropo'itæ Episcopi, & Diocesani, qui tam longe absunt, possint in hanc sacram Tridentinam synodum convocari.

Ea de re, ita meo, quam eorū nomine, quos omnes ex corde Sanctæ Romanæ catholicæ ecclesiæ partes tenere non dubito, inherendo iuramento fidelitatis, alias per me confecto, siue per me præstito.

Iuro inquam, & polliceor, omnia nos tenere, & credere, quæ in sanctis Oecumenicis Concilijs hucusq; sunt acta, & secundum eorum decreta promitto omnes filios nostros instituere, & præcipue in ijs, quæ in sancta Sacra Oecumenica Tridentina Synodo terminabuntur. De cuius legitima congregatione nihil poenitus dubito, sed ei, & meo, & eorum nomine reuerenter, & humiliter me subijcio, uocatusq; ad hanc, seu ad aliam Sanctam Synodum, cum dictis fratribus meis libenter semper accedam, sic me Deus adiunget, & hæc sancta euangelia.